

Deo optimo maximo uni & trino, Virgini Deipara, & sancto Luca orthodoxorum Medicorum Patrono.

## Q U Æ S T I O M E D I C A

Quodlibetariis disputationibus, manè discutienda in Scholis Medicorum, die Jovis decimâ-quartâ Decembris.

1566

M. MATTHÆO THUILLIER, Doctore Medico, Præside.

*Est-ne salivæ succus præcipuum chylosoos instrumentum?*

**I**N solido & fluido posita est corporis humani œconomia. Solidum dixeris filamenta illa albidâ plûs minûs tenuia, parva, tensilia ex quibus veluti totidem tubulis ossa, tendines, muscoli, vasa sanguinea &c. contextuntur. Fluidum verò sanguinem, ex quo cæteri quot quot humores velut ex uno perennique fonte derivantur. Partes solidæ in ipso ovulo reperiuntur. Inertes quidem ex se, nulliusque participes mortis, nisi communis partibus matris. Proprius autem à spiritu feminis virilis inchoari exigit. Quamprimum exigua embryonis moles referata est, quot vires acquirit cundo; crescere enim non definit ovum explicatum in homuncionem. Tunc hic à matre pro alimento carpit chylum. Nihil unde vel paucum est quod excernatur, penus inutile factum, neque enim amnio contentus liquor sudor est & urina. Adolescens ibi magis ac magis factus nonum vix mensem attingit, ut egressum molietur, capite procumbens pudoris claustra petit, referat. Aurâ jam potius libiore, eodem ferè alimento, sed uberiori vescitur, quia tunc multa dissipat. Ætate provecior, majorem succi nutriti, cæterorumque humorum fraudem hunc pati necesse est, quam referat indiget lautiori alimentorum suppellectile.

**U**BERRIMA est alimentorum copia. Multa ex vegetabilium, ex animalium familiâ plurima & exquisita depromuntur. Alia cum, alia sine artis apparatu edilia: nulla autem nutriendo corpori idonea nisi prius assumantur ore, præviumque ibi, si solida, attritum, collisumque subeant. Ad id enim officii atqueque maxilla dentibus armatur, quarum triplicem, natura, familiam instituit in homine, utpote qui præ cæteris animantibus omnis generis alimentorum varietate gaudet. Alimenta itaque attrita & divisa plus acquirunt superficiei, adeoque energiam solventis in ventriculo magis patent, ac deglutitio facilius evadit, non proprio pondere (relativa enim, non absoluta est corporum gravitas) non aëris atmospherici impulsu ventriculi fundum alimenta petunt. Lingua deglutitionem inchoat: periclitum pharyngis musculi: alimenta sic in ventriculum detrusa, indigent macerari ulterius, digeri, dissolvi. Quæ prius enim erant variis distincta coloribus, unius tûm, lactisque similis, coloris fiunt, atque ex variis variè congestis fit chylus unus. Hæc rerum longè discrepantium mutatio, chylosi nuncupatur, quam in ventriculo penitus absolutam affirmare licet. Alia enim est chyli confectio, alia ejusdem secretio; illius officina ventriculus, hujus intestina: hanc absolvit bilis unâ cum succo pancreatico, illam potissimum perficit salivæ succus.

**C**HYLOSIN coctione confici opinio fuit veterum, sed apud eruditos recentiores & melioris notæ physicos, dudum exolevit. Neque felicius erit fermentationis conjectura, quam sub specie quâdam verisimilitudinis diù promulgata litteratorum medicorum familia credulis & simplicibus reliquit. Alimentorum solutione nodum hunc expedire malunt. Quam verò à scopo veritatis aberrant, qui acidi in lthomaco stabulant, ex arteriarum ostiis ulque deflui operâ solvi alimenta arbitrantur. At posita, nec concessâ hujus existentia, cui autopsia refragatur, acidum esse menstruum universale quis unquam asseruit quale esse deberet, ut omnis generis edulia unâ veluti clave referaret: magnum inter ipsa acidâ discrimen esse nemo nescit. Acetum facilius plumbum; spiritus vitrioli ferrum; aqua fortis reliqua metalla, non aurum aggreditur. Atteri, comminuitque magis ac magis alimenta non illepidè docent quidam eruditi, per trituram (inquunt) alimentorum solutio incipit ore, integram facit ventriculi commolentis motus reciprocis. At ar: una satis capax ventriculus non nisi remisso atque insensili motu, spatio temporis exiguo eduliorum compagem in segmenta tundi minutissima, quæ vix pitillum aut malleus repetitis ictibus assequatur. Præterea multiplicis alimentorum coloris in lacteum commutatio uno partium collisu, sine menstruo solvente, haud facillè concipi potest. His adde chylosin non tam alimentorum moliturâ perfici, quam eorum solutione, aut potius extractione, quæ corpori nutriendo, cæterisque animalis commodis cedere debent. Hoc solventis idonei opus est, non cæci triturse commolentis impetus.

**S**OLVUNTUR minus alimenta quam ex ipsis extrahuntur partes quædam in chylum abituræ; cætera menstrui vim eludunt per alium eliminandæ. Menstruum illud est salivæ succus, quippe qui cum plurimis (si non omnibus) & esculentis & potulentis, commodè jungi potest; quin etiam omnibus ferè ac singulis liquoribus tum acidis, tum alkalicis variisque spiritibus hic se admisceri patitur. Particulis constat aqueis, salinis & oleosis. Aquæ & oleosæ viam sibi facillè parare possunt, vires addunt salinæ, quæ rigidis veluti totidem aculeis concretorum poros subire valent, strictamque eorum compagem penitus referare: sic pristina partium junctura ultro invertitur, quæ rigida prius duraque fit mollis pulvi-formisque eduliorum commixtura. Chylus autem quandiu massæ adhuc inexistit, chymus veteribus audit, & tûm colorem, ut plurimum alimentorum servat, aut communem cum illo obtinet, non nisi post secretionem albi coloris conspicendus, neque colorem hunc ab acido urinosoque sale repetas, sed ex gelatinosis partibus cum aqueis coeuntibus, quæ quoties commiscuntur albicantem colorem concedunt. Sic tinctura Benzoes rubicunda; Balzami de Capayua flava, resina Jalappæ fusca, semina diversi coloris, cum aquis juncta, lacteum liquorem constituunt. In album autem colorem salivæ succus, quam sit mutatu facilis, docent experimenta chymica. Cum spiritu salis volatilis mista saliva, lactis tenuioris instar apparet; & butyro antimonii si jungatur, in totum lactescit, cremoris que lactei faciem induit. Succo salivæ subsidiariam tantum præbent operam cætera chylosoos instrumenta. Duriorum attritione dentes, suis ventri culis sibris motricibus, dum enim angustatur abbreviatque, alimenta subiguntur, dividuntur, attenuantur, atque à solvente commodius superari possunt. Partium etiam adjacentium calorem suum ad chylosin operam conferre quis neget? Quippe cum inde major accedat menstruo vis & energia.

**S**ALIVALI succo, ut ex trahendo ex alimentis chylo abundè sufficeret, à naturâ provisum est, quæ hunc ex tot fontibus, partim in ore, partim extrâ os constitutis, aut immediatè, aut mediatè per canales in ventriculum deducit, atque ejusdem generis est lymphæ glandularum Oesophagi & ipsius ventriculi ut potè quæ ex eodem sanguine, ab ejusdem generis vasis & glandulis conglomeratis & in eundem usum separari solet. Magni ad chylosin momenti ejus ubertas, modò tamen probè sit constitutus. Minus vegetum reddit chylum factus dilutor, viscosior alimentorum poros omnes usque non penetrat neque dividit satis. Chylosi etiam officii si salus est vel amarus, vel dulcis, vel acidus. Nullius enim saporis esse debet & instar aquæ glutine quodam crassioris factæ fluere. Perpetua fit hujuscæfucci, nobis inscisi diù nocturne deglutitio. Cum in vacuo ventriculo uberior colligitur, movet ciborum appetentiam, tûm quod ea non adiant in quæ virtutem suam exerat, tûm quod spicula salina, quibus scatet, tunc minis impedita factaque sui juris, levi corrosione, aut irritatione potius Ventriculum afficiant. Is autem ventriculi sensus fames vulgò nuncupatur. Qui autem liquor famem excitat, is & chylosificationis primarius opifex censi debet.

*Ergo salivæ succus præcipuum chylosoos instrumentum.*

DOMINI DOCTORES DISPUTATURI

M. Alexander Petrus Mastor.

M. Claudius Bourdelin, Serenissimæ Ducissæ Burgundiæ, Medicus perpetuò ordinarius.

M. Joannes-Franciscus Foy-Vaillant.

M. Alexis Littré.

M. Petrus-Joannes Barette, Chirurgiæ Professor.

M. Ladvocat de Vaux.

M. Renatus le Conte.

M. Franciscus Afforty.

M. Germanus Preaux, Regius & rei Herbariæ in Scholis Professor.

Proponebat Parisiis JOANNES-BAPTISTA FERME LHUIS, Vernonæus, Baccalaureus Medicus. A. R. S. H. 1702.

